

Ekalesia Faapotopotoga Kerisiano Samoa

AU TAUMAFAI KERISIANO 2020

TAUTINOGA A LE AU TAUMAFAI KERISIANO

*Ua ou faamoemoe i le faamalosi mai o Iesu Keriso ia te au
O LENEI, UA OU OSIA LA'U FEAGAIGA MA LE ALII
O le a ou taumafai ona fai mea uma e tusa ma lona finagalo*

Ou te tatalo ia te Ia i aso uma

Ou te faitau i Lana afioga i aso uma

Ou te alo ese i inuga ava i aso uma

*Ae le gata i lea, a o mea uma ua ou iloa e tatau ona ou faia, o mea ia
ou te taumafai pea i ai i aso uma o lo'u ola.*

O LE ASO NEI, UA AVEA AI AU MA TAGATA O LE AU TAUMAFAI MO KERISO

*Ou te matua faamaoni i le feagaiga ma le Au Uso, ou te alu ane i
Potopotoga uma, ou te fesoasoani i ai, vagana ua faalavelaveina a'u
i se mea ua silafia e Iesu, ua tatau ona fai ma faalavelave.*

IA FESOASOANI MAI LE ALII I LO'U TAUMAFAI

AMENE.

Niu Sila | Amerika | Ausetalia | Hawaii | Fiti | Ameika Samoa | Samoa

Copyright 2019 © CCCS

UPU TOMUA

I le suafa mamalu o le Ao o le Ekalesia o Iesu Keriso e avea ai lo'u leo faatauavaa e fai ma sui o le Komiti o le 'Au-Taumafai, e momoli atu ai le faafetai ma le faamalo e tusa ai i le ma'au paia o le Ekalesia e ala i lana faiga Taulaga o le 'Au Taumafai. E talitonu ma le loto maualalo ana le seanoa lo outou lagolago mai semanu e le mafai ona a'ua'u fuafuaga a le Komiti e tusa o le faatupeina o ana Galuega faatino.

E momoli atu foi le fa'afetai tele i le feagai ai o le Ekalesia ma a tatou Sauniga faa-le-Au Taumafai o lo o feagai ai i lea Aso Sa ma lea Aso Sa. Fa'amalo molimau. E le mafai foi ona fa'agaloina le fa'afetai i le Komiti o le Au-Taumafai mai le nofo a Matagaluega fa'apea le mamalu o le Laulau a le Au-Taumafai i le Afioga i le Sui Peresetene, le Susuga i le Failautusi faapea le Teutupe mo le galueaina. Ia fa'amanuia le Atua ma ia foa'i pea lona tumu fa'a-le-agaga aua fe'au o lo o outou malu tapua'aoina.

O la'u faafetai fa'apitoa i Susuga i Faifeau na saunia, ma tapenaina Tusi o Sauniga o le 'Au-Taumafai o lenei Tausaga 2020. Le Susuga ia Lauitiiti Vaega o le Aulotu i Matavai Safune i le Pulega a Gagaifo-Mauga o le Matagaluega a le Itu o Tane. E faapea foi le Susuga ia Reupena Nofoaiga o le Aulotu i Elisefou i le Pulega a Faleata i Sisifo o le Matagaluega a Faleata. Faamalo tapena i le 'oa faa-le-agaga, lea ua sasa'a mai le mau o le fa'atamasoali'iga a le Tautai o Agaga. Ia talosia ia, ia maua se mau e tele i liu folau o le Sa fa'a-le-agaga o le Ekalesia i lenei Tausaga 2020.

Ia manuia tele fe'au fa'a-le 'Au-Taumafai a feagai ai ma le Ekalesia i lenei Tausaga 2020

Alofa'aga ma Fa'amanuiaga mai
Rev. Elder Taipo Malifa

(Peresetene Komiti Au Taumafai)

ASO SA

05 IANUARI 2020

FAAFOUINA

Manatu Autū: **ULUFALE I ONA FAITOTOA MA LE VIIGA**
(Enter His gates with thanksgiving)

Tusi Faitau: Salamo 100:1-5

Matua: Salamo 100:4

“Ia outou ulu atu i ona faitoto’a ma le vi’iga, ma ona lotoā ma le pese, ia outou vivi’i atu ia te ia, ia outou faamanū atu i lona suafa”

1. Alalaga i le Atua ma le viiga, ua aulia mai lenei Tausaga fou
2. Fa’afetai i le Leoleo Mamoe Sili, sa fafagaina i tatou.
3. Fa’afetai i lona alofa, e tumau e fa’avavau.
4. Auauna i le Atua ma le agaga fiafia.

ASO SA 12 IANUARI 2020

Manatu Autū: **O LE TA’ITA’I MALAGA SILI**
(The great Leader)

Tusi Faitau: Teuteronomie 31:1-8

Matua: Teuteronomie 31:8

“O le Ali’i fo’i, o ia na te savali i ou luma, lua te fa’atasi ma ia na te le tuuna ‘oe, na te lē lafoa’i ia te oe, ‘aua e te fefe, ‘aua fo’i e te mata’u.”

1. Malaga ma le mautinoa, i le ta’ita’iga a le Atua.
2. E foia e le Atua faigata i le ala.
3. Aua le malaga na o oe, auā e le taunu’u ai.
4. Fa’amalosi ma loto tele.

ASO SA 19 IANUARI 2020

Manatu Autū **AUA LE FESILIGIA FAAMANUIAGA MAI LE ATUA**
(Don’t question blessings from God)

Tusi Faitau: Kenese 17:15-17

Matua: Kenese 17:17

“Ona fa’apaū faō lea o Aperā’amo, ua ataata ma faapea ifo i lona loto, E fanau mai ea se atalii i le tagata ua selau ona tausaga? O Sara foi e fanau ea e ia ua iva sefulu ona tausaga?”

1. Aua le masalosalo, pe a faamanuia mai le Atua
2. O se fa’amanuiaga tele, le fōfōina e le Atua o ō tatou fa’afitauli
3. E pule le Atua i le natura o mea uma.
4. E faia e le Atua suiga tetele, mo so tatou lumanai manuia.

ASO SA 26 IANUARI 2020 (ASO SA TUPULAGA)

Manatu Autū: FAI ‘OE MA SIAMUPINI MO LE ATUA
(Be a champion for God)

Tusi Faitau: 1 Samuelu 17:38-47

Matua: 1 Samuelu 17:45

“Ona tali atu lea o Tavita i le Filisitia, Ua e sau ia te a’u ma le pelu ma le tao, ma le tao leoleo, a o a’u, ou te alu atu ia te oe i le suafa o le Alii o ‘au, o le Atua o le itu taua a Isaraelu ua e faifai ai”.

1. Ia loto tele i lou talavou, e tau mo le Atua.
2. E leai se malosi o le pelu ma le tao, i le suafa o le Alii.
3. Aua le pala’ai pe a feagai ma faigata.
4. E tu’uina e le Atua lou fili i ou lima.

ASO SA 02 FEPUARI 2020 FAAFOUINA

Manatu Autū: E TASI LAVA LE ATUA MONI
(Only one true God)

Tusi Faitau: Iosua 24:14-18

Matua: Iosua 24:16

“Ona tali mai ai lea o le nu’u, ua fa’apea mai, Ia mamao lava ia te i matou ona matou tuua o le Alii, ina ia auauna i atua ese”

1. Auauna i lau filifiliga.
2. Auauna i le Atua ma le loto fa’amaoni
3. E te fano i atua faapaupau. (Faataitaiga o atua faapaupau.....
Asaira atua fafine o Saitonu. Elemea o le atua tupua o Roma ma Eleni. O Kimosa o le atua o Moapi. O Paala o le atua o Suria).
4. Na o le Atua tatou te ola manuia ai.

ASO SA 09 FEPUARI 2020

Manatu Autū: E LEAI SE MEA E LILO I LE ATUA
(Nothing is hidden from God)

Tusi Faitau: Kenese 26:6-11

Matua: Kenese 26:9

“Ona vala’au atu ai lea e Apimeleko ia Isa’ako, ua faapea atu, Fa’auta ea, o lau avā lava ia, pe se ā fo’i le mea na e fai mai ai, O lou tuafafine ia? Ona fai mai ai lea o Isa’ako ia te ia, Auā na a’u fa’apea, nei ou oti ona o ia”

1. ‘Aua le nanaina le mea moni.
2. E maua lava oe.
3. E le fiafia le Atua i le pepelo.
4. ‘Aua le ola fa’alilolilo.

ASO SA 16 FEPUARI 2020

Manatu Autū: AUA LE USITAI I FAUTUAGA LEAGA
(Don’t listen to bad advices)

Tusi Faitau: Iopu 2:8-10

Matua: Iopu 2:9

“Ona fai mai ai lea o lana avā ia te ia, Ua e taofi mau pea ea i lau amiotonu? Ina faifai ia oe i le Atua, ma e oti ai”.

1. Tumau i lou Atua e te manuia ai.
2. O lou tu’ua o le Atua, o lou lafoai foi lea o lou ola i le malaia
3. O ē lē iloa le Atua, e faifai foi i le Atua.
4. Aua nei e faamaasiasi le Atua, ina ua e talia fautuaga leaga

ASO SA 23 FEPUARI 2020

Manatu Autū: O E ILOA LE LOLOTO O LOU VALA’AUINA?
(Do you know the depth of your call?)

Tusi Faitau: Ieremia 1:5-10

Matua: Ieremia 1:5

“Na a’u iloa oe a o lei faia oe e a’u i le manava, na au faapaiaina
oe a o lei fanau mai oe, na a’u tofia oe e fai ma perofeta i nuu”

1. O le Atua na vala’auina i tatou.
2. Ia iloa le taua o lou val’auina.
3. O se fa’amanuiaga mautinoa lou vala’auina.
4. E lei vala’auina i tatou, e fai ni o tatou loto.

ASO SA 01 MATI 2020

FAAFOUINA

Manatu Autū: O SUIGA MO LE OLA MANUIA
(Changes for a successful life)

Tusi Faitau: Isaia 65:17-25.

Matua: Isaia 65:25

“E a’ai fa’atasi le luko ma le tama’i mamoe, e ‘aina lau o saito e le
leona e pei o le povi, a o le gata e fai mana mea e ‘ai le efuefu, latou
te le faia se mea leaga latou te le fa’aumatia fo’i se mea i lou mauga
paia uma lava, ua fetalai mai ai le Alii”.

1. Fa’apefea ona a’ai fa’atasi le luko ma le mamoe? (Ia fealofani.
Ioane 13:34-35. E te alofa atu i le lua te tuāoi ia pei o oe lava ia te
ia te oe, Mataio 22:39).
2. O ē iloa ni suiga lelei, na faia e le Atua i lou olaga?
3. E te talitonu e faia e le Atua, ni suiga mo lou lumanai manuia?
4. E fa’atupu e le Atua suiga, e le masani ai.

ASO SA 08 MATI 2020

**Manatu Autū: O LE TO’AITITI E AU FA’ATASI MA LE ATUA, E
MANUMALO**

(A minority who team with God, will win)

Tusi Faitau: Faamasino 7:1-7.

Matua: Faamasino 7:7

“Ona fetalai mai ai lea o le Alii ia Kitiona, O le tolu selau o tagata e
na etoeto i le vai, ou te faaola ai ia te outou, ma tu’uina atu Mitiana i
lou lima, a o le nuu uma ua totoe, ia taitasi ma alu i lona nuu”.

1. E mo’omia e le Atua ni tagata e etoeto le vai i lana ‘au tau.
2. Fa’alagolago i lou loto e tau ai.
3. O ou uiga fa’aalia, e iloa ai lou agava’a.
4. E fa’aalia pea le Silisili ‘ese o le Atua.

ASO SA15 MATI 2020

Manatu Autu: AUA LE FULITUA I LE ATUA, INA IA FAAMALIEINA AI TUINANAUGA O LE TINO.

(Don't turn your back to God in order to satisfy your sinful nature)

Tusi Faitau: 1 Tupu 11:1-8

Matua: 1 Tupu 11:6

“Ua amio leaga Solomona i luma o le Ali’i, ua le matua mulimuli atu o ia i le Ali’i, e pei o Iona Tamā oTavita”.

1. E le o le Atua ea lea na e poto ma tamaoaiga ai?
2. E lilo lou tagata i lalo, pe ana leai le Atua.
3. O sau tali alofa ea i le Atua, se mea leaga e te faia?
4. O tuinanauga o le tino o le agasala.

ASO SA 22 MATI 2020

Manatu Autū: AUA LE ITA I LE ATUA *(Don't be angry with God)*

Tusi Faitau: Iona 4:1-4

Matua: Iona 4:4

”Ona fetalai mai ai lea o le Alii, Ua lelei ea lou ita?”

1. Ua agaleaga ea le Atua ia te oe ua e ita ai?
2. Aiseā e te ita ai, a o faatino le alofa laveai o le Atua?.
3. O le ita a le vale le fia pule i le ola.
4. O le ita i le Atua o le fa’a-fiapoto lava lea.

ASO SA 29 MATI 2020

Manatu Autū: O LE ‘OA SILI E TEU I LE LAGI *(Real treasure is store in heaven)*

Tusi Faitau: Mataio 6:19-21

Matua: Mataio 6 :19, 20,21.

“Aua tou te toloai oa mo outou i le lalolagi, o i ai le mogamoga ma le ‘ele e faaumatia ai, o i ai foi tagata gaoi e eli atu, ma gaoi ai. A ia outou toloai ‘oa mo outou i le lagi, e le o i ai se mogamoga poo se ‘ele e faaumatia ai, e le o i ai foi tagata gaoi e eli atu, ma gaoi. Auā o le mea ua i ai lo outou oa, e i ai atoa foi ma o outou loto.”

1. E te to’omaga i le tamaoaiga e teu i le lagi.
2. E te le alu ma ave sou tamaoaiga e teu i le lalolagi.
3. Filifili mo sou lumanai mautinoa.
4. ‘Aua le atua i lou tamaoaiga.

ASO SA 05 APERILA 2020 LAUPAMA & FAAFOUINA

Manatu Autū: O LE MANA’O O LE TUPU O TUPU
wishes of the King of Kings)

(The

Tusi Faitau: Mareko 11:1-10

Matua: Mareko 11:3e
“E mana’o i ai le Ali’i, a e toe fa’afo’i vave mai”

1. ‘Aua le taofia se mea e mana’o i ai le Ali’i.
2. Ofo atu mea sili mo lē na togiolaina ‘oe.
3. O se mea ua e ofoina atu mo le Alii, e toe faafoi mai i fa’amanuiaga.
4. E fa’atauva’a lona mana’o, pe a fa’atusa i o tatou mana’o.

ASO SA 12 APERILA 2020 ESETA (TOETU)

Manatu Autū: TALIA LE ALII TOETU I LOU FALE
(Welcome the risen Christ to your home)

Tusi Faitau: Luka 24:28-35

Matua: Luka 24:29
“A ua la pulunaunau ia te ia, ua fa’apea mai, “Tatou te nonofo ma i maua nei, auā ua taugagaifo le la, ua lata i le afiafi” Ona ulufale atu lea o ia latou te nonofo”

1. Vala’au le Ali’i Toetū e afio mai e te lua talisia fa’atasi..
2. Salamō ma talia Iesu i lou agaga.
3. ‘Aua le te’ena lē na faia le Fa’aolataga mo ‘oe.
4. O lo’o fa’atalitali mai le Ali’i Toetū, mo lau vala’au.

ASO SA 19 APERILA 2020

Manatu Autū: FIA FEILOAI IA IESU
(We wish to see Jesus)

Tusi Faitau: Ioane 12:20-26

Matua: Ioane 12:21

“O i latou ia ua o ane ia Filipino, o le Petesaita i Kalilaia ia, ua latou ole atu ia te ia, “Le alii e, matou te fia feiloai ma Iesu”

1. Pe ma'i, pe malosi, alu e feiloa'i ia Iesu.
2. O lo'o fia feiloa'i Iesu ia te oe.
3. Aua le faatali i se isi, alu oe e te feiloai ia Iesu e te manuia ai
4. O se fa'amanuiaga e maua gatā, le feiloai ia Iesu.

ASO SA 26 APERILA 2020

Manatu Autū: TUMAU I LE MEA NA TOFI OE E TE LEOLEO AI
(Stand firm at your watch post)

Tusi Faitau: Sapakuka 2:1-8

Matua: Sapakuka 2:1

“Ou te tu i le mea ou te leoleo ai, ou te tu foi a'u i le olo, ou te vaavaai foi ina ia ou iloa pe se a se mea e fetalai mai ai o ia ia te au, pe se a foi se mea ou te tali atu ai i la'u finauga”.

1. Ia e mataala ma tatalo a o e leoleo.
2. Fa'alogo ma usitai, po o le a se fetalai mai o le Alii.
3. Tumau i lau leoleoga.
4. O loo leoleo mai le Leoleo Sili ia i tatou.

ASO SA 03 ME 2020 FAAFOUINA

Manatu Autū: FAI IA SA'O
(Do it right)

Tusi Faitau: Kolose 3:14-17

Matua: Kolose 3:17

“O mea uma foi tou te faia, i le tautalatala po o le amio, ia faia uma lava ia mea i le suafa o le Alii o Iesu, ma le fa’afetai i le Atua le Tamā e ala ia te ia.”

1. E lē o se fai mea sa’o le ola fa’a-foliga.
2. E te toe tigaina, pe a fai e le o sa’o le olaga o loo e ola ai.
3. Ia loto tele ma onosai e fai le mea sa’o.
4. O tatou o Soo moni, pe a faataitai ia Iesu le tupu o le fai mea sao

ASO SA

10 ME 2020

ASO SA TINA

Manatu Autū: **O LE TINA LELEI**
(A good mother)

Tusi Faitau: Ioane 19:25-27

Matua: Ioane 19:27

“Ua fa’apea atu fo’i i lea so’o, “Fa’auta, o lou tina” Talu fo’i lea itu aso ua ave o ia e lea so’o i lona aiga”.

1. E iloa le tinā lelei i le alofa.
2. O le tinā lelei e fautua mo le lumanai manuia. (Faataitaiga Apikaila le toalua o Napalu. 1 Samuelu 25:2-42. Pae ma le auli
3. O le tinā o Iesu sa mulimuli i lana tama.
4. O le tinā lelei e alofagia e tagata.

ASO SA 17 ME 2020

FONO TELE

Manatu Autū: **E TOFOTOFOINA LOU TULAGA**
FAA-TAITAI I ASO FAIGATA
(Your leadership will be tested during hard times)

Tusi Faitau: Mareko 14:32-38

Matua: Mareko 14:37

“Ona maliu ane lea o ia, ua maua i latou o momoe, ona fetalai atu lea o ia ia Peteru, “Simona e, ua e moe ea? E te le lava ea ona ona mataala i le itu po e tasi?”.

1. Aua le moe i taimi faigata o le galuega.
2. Mataala nei o’o mai fa’aosoosoga.
3. E te le fia moe pe a moni lou alofa ia Iesu.
4. Aua le pulea e le moe lou soifua galue.

ASO SA 24 ME 2020

Manatu Autū: O LE TAGATA NA OFO AI IESU
(Jesus was amaze at him)

Tusi Faitau: Luka 7:2-10

Matua: Luka 7:9

“Ua fa’afofoga Iesu i nei mea, ona ofo ai lea ia te ia, ua faliu o ia, ma fetalai atu i le motu o tagata e na mulimuli mai ia te ia “Ou te fai atu ia te outou, ou te lei iloa ia Isaraelu lava se faatuatua e faapea ona tele”

1. Ua ofo Iesu i le fa’atuatua o le tagata ese.
2. E le ofo Iesu i se fa’atuatua na o upu.
3. E fiafia tagata e molimau i galuega lelei.
4. Alofa i le tagata mafatia.

ASO SA 31 ME 2020

PENETEKOSO

Manatu Autū: E FAAMAONI LE ALOFA O LE ATUA
(Gods faithful love)

Tusi Faitau: Ieremia 33:1-7.

Matua: Ieremia 33:3

..ia e vala’au mai ia te a’u, ona ou tali atu ai lea ia te oe, ma ou fa’aali atu ia te oe o mea tetele ma le faigata, o mea ua e lē iloa.

1. E tali mai le Atua i lona alofa.
2. ‘Aua e te ma e vala’au i le Atua e alofa mai.
3. Fa’atoā e talitonu i le alofa o le Atua, ina ua tali mai.
4. E latalata mai pea le Atua.

ASO SA 07 IUNI 2020

FAAFUINA

Manatu Autū: TAOFI SAUAGA I AIGA
(Stop domestic violence)

Tusi Faitau: Salamo 103:6-10

Matua: Salamo 103:6

“E faia e le Alii mea tonu, ma faamasinoga mo ē ua sauaina uma lava”

1. Aua le ola sauā i aiga.
2. E fa'amasinoina oe i lou ola sauā.
3. Faatoa e iloa le leaga o le ola sauā, ina ua toe foi mai ia te oe.
4. Fai oe ma fa'ataitaiga lelei, ia malu ai tagata uma.

ASO SA 14 IUNI 2020

Manatu Autū: AUA LE OLEGIAINA LE ATUA I UPU
(Don't deceive God through words)

Tusi Faitau: Mataio 7:15-23

Matua: Mataio 7:21

“E lē sao atu i le malo o le lagi i latou uma o ē fai mai ia te a’u, Le Alii e, le Alii e, na o le na te faia le finagalo o lou Tama i le lagi”

1. E te fiu lava e te lafi i au upu, e silafia e le Atua lou tagata moni.
2. O upu faaoleole le ta’u fua o le suafa o le Alii, a e lē savali ma ola ai.
3. Fai mai le tulafono, “Aua le tau fua le suafa o le Alii lou Atua.”
4. Fai tatou ma uso fa’a-le-Agaga o Keriso.

ASO SA 21 IUNI 2020

Manatu Autū: LAPATAIGA I LE FA’AILOGA TAGATA
(Warning against partiality)

Tusi Faitau: Iakopo 2:2-13

Matua: Iakopo 2:2-3

“Aua afai e ulu atu se tagata i la outou faapotopotoga ma mama auro i ona lima ma le ofu pupula, a e ulu atu ai foi se tagata mativa ma le ofu leaga, ona outou faaalalo atu lea ia te ia ua ofu i le ofu pupula, ma faapea atu i ai. “Ina alala ia oe i lenei mea lelei” a e fai atu i le tagata mativa “Ina tu ia oe iina” pe “Nofo ia iinei i lalo o le mea e tu ai o’u vae”

1. E iloa le fa’ailoga tagata i le gagana ma aga.
2. O uso fealofani e nonofo fa’atasi.
3. E fa’amaulaloina le tagata fa’ailoga tagata.

4. ‘Aua le inoino i le mativa ma le lē taualoa.

ASO SA 28 IUNI 2020

Manatu utū: E FESOASOANI LE ATUA I E O SAILI IA TE IA
(God will help those who seek Him).

Tusi Faitau: Iosua 5:13-15.

Matua: Iosua 5:14

“Ona tali mai ai lea o ia, E leai, a o a’u, o le ave au a le Alii na ou sau ai nei. Ona fa’apa’ū fao ai lea o Iosua i le eleele, ma ifo atu, ua faapea atu foi ia te ia, Le Alii e, se a se mea e te fetalai mai i lau auauna?”

1. Saili i le Atua, e taunuu manuia ai ou faamoemoega.
2. Ia lagona le faatauva, pe a maua le Atua.
3. Fa’alogo poo le a se fetalai mai o le Atua.
4. E malutia oe e le Atua i taimi faigata.

ASO SA 05 IULAI 2020 FA’AFOUINA
Manatu Autu: IA OLA PALENI
(Live a steady life)

Tusi Faitau: Amosa 7: 1 – 9

Matua: Amosa 7:7

“Sa fa’apea ona fa’ailoaina mai e ia ia te au; faauta, ua tu le Alii i le aupā tu sa’o, ua i ai lona a’ao o le fua faatautau.”

1. O le Atua na te fuatia loto.
2. O lo o fa’amasinoina i tatou i aso uma e le Atua.
3. O lo tatou i’uga e fua i lo tatou ola aogā mo le Atua.
4. Ia paleni lou ola i aso uma.

ASO SA 12 IULAI 2020

Manatu Autu: AVEA LE ATUA E FAASAOINA OE
(Let God redeem you)

Tusi Faitau: Hosea 6: 1 – 11

Matua: Hosea 6: 2

”Na te fa’aolaina mai i tatou pe a mavae aso e lua; a o’o i lona tolu o aso na te fa’atutūina i tatou, tatou te ola mai ai i ona luma.”

1. E pei o le o’o mai o le taeao, le o’o mai o le fa’aolataga.
2. E pei o le ua e paū mai, le ola ma le malosi mai le Atua.
3. O lona mana e fa’aolaina ai i tatou.
4. O le satauro o le galuega fa’aola.

ASO SA 19 IULAI 2020

Manatu Autu: O LE TALALELEI E SA’OLOTO
(The good news is free)

Tusi Faitau: 2 Korinito 11: 7 – 15

Matua: 2 Korinito 11: 7

“Ua ou faia ‘ea se agasala, ina ua fa’amaulaloina a’u e a’u, ina ia fa’amauulugaina outou, auā na ou tala’iina atu ia te outou le Talalelei a le Atua ma le lē tauia mai?”

1. ‘Aua le avea le Talalelei, ma ala su’e tupe o le tagata.
2. E mai le Atua le tauia o le galue fa’amaoni.
3. O le tasi lea faamāmā avega, pe a le fa’amamafa i se tauia.
4. A e maua Iesu, auauna loa, aua le fa’amoemoe i se tauia.

ASO SA 26 IULAI 2020

Manatu Autu: IA FAAMALOSI MA LOTOTELE, MA FAI LOA
(Be strong and of good courage, and do it)

Tusi Faitau: 1 Nofoaiga Tupu 28:11 – 21

Matua: 1 Nofoaiga Tupu 28:20

“Ua fai atu fo’i Tavita ia Solomona lona atalii, Ia fa’amalosi ma lototele, ma ia faia lenei mea; aua le fefe, aua le mata’u; auā o le Alii le Atua, o lo’u Atua e ia te oe o ia, na te le tu’ua oe, na te lē lafoa’i foi ia te oe, seia fa’aiuina le faiga o le galuega uma o le fale o le Alii.”

1. Ia e fa’amalosi ma lototele e fai le galuega ua tofia ai oe.
2. O lou Atua e ia te oe, o ia na te le tu’ua oe, na te lē lafoa’i fo’i ia te oe. O leā se taua o nei upu?
3. Mo oe le tagata o taumafai-E moni ea e mafaia mea uma i le fa’atasi mai o le Atua?

4. O le toa moni e fa'amoemoe i le Atua.

ASO SA **02 AOKUSO 2020** **FAAFOUINA**
Manatu Autu: **SAVALI MA E SAVAVALI I MANUIA O LE ATUA**
(Walk with those who walk in God's blessing)

Tusi Faitau: Faataoto 13: 14-25

Matua: Faataoto 13: 20

“O lē latou te feoai ma tagata popoto, e poto lava ia; a o le uō a e valelea, e leaga ai lava ia”

1. A uō le tagata lotu ma le lē lotu, e i'u ina lē lolotu uma
2. O le uiga lea o le Au Taumafai ia ola taumafai tagata uma mo le Atua
3. O se ulugali'i ma se fanau kerisiano e mafai ona liua le isi aiga i le lelei
4. Savavali ma Iesu le uō moni.

ASO SA **09 AOKUSO 2020** **ASO SA O TAMĀ**
Manatu Autu: **FĀ'ATINO AU FOLAFOLAGA**
(Walk the Talk)

Tusi Faitau: Mataio 21: 23 – 32

Matua: Mataio 21: 28 & 29

“Pe ni ā fā outou? O le tasi tagata e to'alua ona atalii; ua alu atu i ai le ulumatua, ua fa'apea atu, Sole, ina alu ia i le asō, se'i e galue i la'u tovine. Ona tali mai ai lea o ia, Ou te musu; a e mulimuli ane ua salamō ia, ua alu.”

1. O mana'oga fa'a tamā o le Atua ia fa'atinoia.
2. O folafolaga fa'a atalii; e ioe, a e le fa'ataunu'uina.
3. O folafolaga fa'a atalii; e leai, a e salamō ma fa'atino.
4. O e fa'atino au folafolaga?.

ASO SA **16 AOKUSO 2020**
Manatu Autu: **O AI O E FA'ATALI I AI?**
(Who are you waiting for?)

Tusi Faitau: Galuega 8:26-40

Matua: Galuega 8: 36

“Ua o ane fo’i i laua i le ala, ua o’o i le tasi vai; ona fai mai lea o le eunuka, “Fa’auta, o le vai; se ā ea se mea e vaoia ai a’u e aua le papatisoina o a’u?”

1. O le ā se mea o fa’atali ai lou taliaina o Iesu?.
2. Aua le te’ena le musumusuga a le Agaga Paia i lou loto
3. E le fa’ailoga tagata le galuega a le Agaga Paia
4. Talia loa Iesu i lou olaga fa’a tagata Ekalesia.

ASO SA 23 AOKUSO 2020

Manatu Autu: O LOO GALUE PEA LE ATUA I O TATOU OLAGA
(God is still at work in our lives)

Tusi Faitau: Roma 8: 28 – 30

Matua: Roma 8: 28

“Ua tatou iloa foi e galue le Atua i mea uma lava mo le lelei fa’atasi ma i latou o ē ua alolofa atu ia te ia, o ē ua vala’auina i lona finagalo.”

1. Galue fa’amaoni mo le Ali’i, a e lē o le fa’a-foliga.
2. O taimi uma o le olaga, e iloa lelei ai o lo o galue le Atua.
3. Galue mo isi, o le alofa i Lē o lo o galue i lou olaga.
4. Galue mo Iesu a o maua le malosi.

ASO SA 30 AOKUSO 2020
Manatu Autu: O LE MALOSI FA’ATUPU MALOSI
(The empowering power)

Tusi Faitau: Ioane 14:25-31

Matua: Ioane 14: 26

“A o le Fesoasoani o le Agaga Paia lea, e auina mai e le Tamā i lo’u igoa o Ia lava na te aoao ia te outou i mea uma lava; e faamanatu mai foi o ia ia te outou i mea uma ua ou fai atu ai ia te outou.”

1. E malamalama ai le mafaufau.
2. E malosi ai lou agaga.
3. E fa’afouina ai lou ola.
4. O fea o maua ai lou malosi?

ASO SA 06 SETEMA 2020 FA'AFUINA ASO SA TALALELEI

Manatu Autu: O LE TALALELEI MAI LE TU'UGAMAU

(The Good News from the tomb)

Tusi Faitau: Luka 24:1-12

Matua: Luka 24:5&6

“Ua matata’u i latou, ua punou fo’i o latou mata i le ‘ele’ele, ona la fai mai lea ia te i latou, “Se ā le mea tou te sa’ili ai lē ua soifua i ē ua oti? E lē o iinei o ia, a ua tu; ia outou manatu i lona fetalai atu ia te outou, ina o i Kalilaia o ia,”

1. Ua toilalo le toe fili o le tagata.
2. Ua tu’ufua le tu’ugamau.
3. O ai uluai ‘avefe’au o le Talalelei mai le tu’ugamau?
4. Ia avea Iesu toetu ma Talalelei mo oe.

ASO SA 13 SETEMA 2020

Manatu Autu: SAVALI I ALA O LE ALI’I

(Walk in the ways of the Lord)

Tusi Faitau: Salamo 1:1-6

Matua: Salamo 1:1

Amuia le tagata e lē savali i le filifiliga a ē amio leaga, e lē tu fo’i o ia i le ala o ē agasala, e le nofo fo’i i le nofoa o ē tauemu;”

1. Aua le ola faufau leaga i lou uso.
2. E silafia e le Atua ala lilo uma i totonu o tatou loto
3. E fia silasila le Atua i le tagata e mamā le loto.
4. Savavali fa’atasi ma le Atua i ou ala uma.

ASO SA 20 SETEMA 2020

Manatu Autu: O LE FA’ATUATUA MATE

(Dead faith)

Tusi Faitau: Iakopo 2:14-17

Matua: Iakopo 2:17

“E fa’apea fo’i le fa’atuatua, pe afai e lē i ai galuega, e mate lava ia ina ua na o ia?”

1. O le fa’atuatua mate, e lē galue.
2. O le fa’atuatua ola, e galue.
3. E fa’alaina le tagata i le fa’atuatua.
4. O ā mai lou fa’atuatua?.

ASO SA 27 SETEMA 2020

Manatu Autu: O GALUEGA E TOLU MO LE FINAGALO O LE ALII

(Three-fold action for the Lord’s will)

Tusi Faitau: Mika 6:6-8

Matua: Mika 6:8

Sole, ua fa’aali atu e ia ia te oe le mea lelei, se ā foi se mea e finagalo ai le Alii ia te oe? pe a le o ia mea, ia fai le amiotonu, ia naunau i le alofa, ma ia feooai ma lou Atua ma le loto fa’amaulalo?”

1. Ia fai le amiotonu
2. Ia naunau i le alofa
3. Ia feooai ma le Atua ma le loto maualalo
4. O fa’aalia i lou olaga le finagalo o le Ali’i?

ASO SA 04 OKETOPA 2020 **FA’AFUINA**

Manatu Autu: O MEA E MAVAE ATU I LE OLAGA

(Things that do not last in life)

Tusi Faitau: 1 Korinito 13:8-13

Matua: 1 Korinito 13:8

“E le uma le alofa; ae pe ni perofetaga, o le a faaleaogaina ia; pe ni gagana, o le a mavae ia; po o le iloa, o le a faaleaogaina lea.”

1. E mavae atu le mea faaleatoa.
2. E faaleaogaina le tautala I gagana
3. E faaleaogaina le iloa ma le atamai.
4. Pe mavae ea le alofa o le Atua?

Manatu Autū: O LE A SE MEA E AVATU I LE FANAU?
(*What do we give to our children?*)

Tusi Faitau: Teuteronome 6:4-9

Matua: Teuteronome 6:6&7

“Ia i ai fo’i i lou loto o upu nei ou te fai atu ai ia te oe i le aso nei. Ia e matuā a’oa’o so’o ai i lau fanau, ma ia e tautalatala a’i, pe a ē nofo i lou fale, pe a ē savali fo’i i le ala, pe ā ē taoto, pe ā ē tula’i fo’i.”

1. E mana’omia e le fanau le alofa fa’amaoni a le Atua.
2. E mana’omia e le fanau le a’oa’oia.
3. E mana’omia e le fanau le puipuiga a mātua.
4. Fa’alogo ma usita’i i mea lelei ua tu’uina atu ia te oe.

Manatu Autū: O LE AGAGA O FA’AMANUIAGA
(*The Spirit of blessings*)

Tusi Faitau: Ioelu 2:28-32

Matua: Ioelu 2:28

“Mulimuli ane, e i’u ina ou liligi ifo ai lo’u Agaga i luga i tagata uma, ona perofeta ai lea o outou atali’i ma o outou afafine, e fai miti o outou toeaina, e iloa fa’aaliga e o outou taulele’a”

1. O le Agaga o le Atua, na te fa’afouina tagata uma lava.
2. O le Agaga o le Ola i le tino ma le agaga.
3. O le Agaga o le Alofa tele.
4. E te maua le meaalofa sili, ina ua ofoina lou ola mo Keriso

Manatu Autū: TAUAVE FAATASI O TATOU MAFATIAGA
(*Sharing one another’s pain*)

Tusi Faitau: Ruta 1:1-22

Matua: Ruta 1:16

“A ua fai atu Ruta, Aua e te finau ia te a’u ina ia ou tu’ulafoa’i ia te oe, ia lē mulimuli atu ia te oe; auā o le mea e te alu i ai, ou te alu ai foi; o le mea e te nofo ai, ou te nofo ai, e fai lou nuu mo’u nuu; e fai foi lou Atua mo’u Atua,”

1. O lau fesoasoani e mo’omia i taimi o tiga.
2. E mafai mea uma i lou alofa.
3. E leai se tasi e tu fa’a-mauga.
4. Manatua le Atua, o lo ta Fesoasoani Sili.

ASO SA 01 NOVEMA 2020 FAAFOUINA (FAIGA TAULAGA)

Manatu Autū: AE ‘OU TE LE TO’ATASI LAVA
(For I am not alone)

Tusi Faitau: Ioane 16: 29-33

Matua: Ioane 16: 32

“Fa’auta, e o’o i le aso, ua o’o nei foi i ai, e ta’ape’ape ai outou, e ta’itasi ma alu i lona aiga, a e tu’ua a’u e to’atasi; a ou te le to’atasi lava, auā ua ia te a’u le Tamā.”

1. Tumau i le loto tele i taimi e tu’ua to’atasi ai.
2. O le kerisiano, e alu mautinoa ua manumalo.
3. E ta’ape’ape, pe a lē mautinoa.
4. E lutia i puapuaga pe ā sese le amataga.

ASO SA 08 NOVEMA 2020

Manatu Autū: GALULUE FAATASI MA LE AGAGA O LE ATUA
(Work together with the Spirit of God)

Tusi Faitau: Hakai 2:1-9

Matua: Hakai 2:4

“A o lenei, ia e faamalosi o oe o Serupapelu, ua fetalai mai ai le Alii; ma ia e faamalosi o oe o Iosua le atalii o Iosataka le faitaulaga sili; ma ia faamalolosi outou tagata uma o le nuu, ua fetalai mai ai le Alii, ma ia outou galulue; auā o a’u, ou te ia te outou, ua fetalai mai ai le Alii o ‘au’

1. Ia fa’amalolosi e fai le finagalo o le Alii.
2. Ia galulue fa’atasi ma le Atua e manuia ai.

3. O le i ai o le faamoemoe nei, na te taitai ai le tagata mo taeao
4. O ananafi, nei ma taeao, o ā le Atua ia o loo galue ai pea mo le matagofie o lou ola

ASO SA

15 NOVEMA 2020

Manatu Autū: O LE TAULAGA UA TA’U LELEIA I LE ATUA
(The offering that is pleasant to the Lord)

Tusi Faitau: Mareko 12:41-44

Matua: Mareko 12:43

“Ona vala’au atu lea o ia i ona so’o, ua fetalai atu ia te i latou, “E moni ou te fai atu ia te outou, o mea a lena fafine mativa ua oti lana tane, ua lafo i le mea e teu ai tupe, ua sili ia i ā latou uma na lafo i ai”

1. Aiseā e lafo ai tupe?
2. O fea e fua i ai le faiga o lau foa’i?
3. Aiseā ua sili ai le foa’i a le fafine mativa?
4. O Iesu Keriso le Foa’i Sili na faia e le Atua.

ASO SA **22 NOVEMA 2020**

Manatu Autū: O LE TALIA LE TAGATA TAPUA’I
(The response of the worshipper)

Tusi Faitau: Isaia 6: 1 – 8

Matua: Isaia 6:8

“Ona ou fa’alogo atu ai lea i le si’ufofoga o le Ali’i, ua fa’apea mai, O ai ea ou te auina atu? o ai fo’i e alu atu mo i matou? Ona ou fa’apea atu ai lea, O a’u lenei, inā auina atu a’u.”

1. Ua fia maua e le Atua se i si auina atu.
2. O le avanoa e fa’auō ai ma le Atua.
3. O le ofo ua fa’ailoa mai.
4. O le a lau tali i le vala’au mai o le Atua?

ASO SA

29 NOVEMA 2020

ASO SA ETIVENI

Manatu Autū: PE SE A LO OUTOU OLA?

(For what is your life?)

Tusi Faitau: Iakopo 4:11-17

Matua: Iakopo 4:14

“a e le iloa e outou se mea e tupu a taeao. Auā pe se a lo outou ola? O le puao lava lea, ua aliali mai i se itu aso itiiti, ona mou ai lea.”

1. Ua fa’apei o le puāo.
2. O lo o i ai se mea lilo i lo tatou ola.
3. O le manava ola a le Atua.
4. O le avanoa e te auauna ai.

ASO SA

06 TESEMA 2020

FA’AFOUINA

Manatu Autu: **O LE UPU O LE FILEMU MAI LE ATUA**
(God’s word of peace)

Tusi Fitaū: 1 Tesalonia 5: 12-24

Matua: 1 Tesalonia 5:18 - 19

“ia outou fa’afetai i mea uma lava, auā o le finagalo lea o le Atua ia te outou, ia Keriso Iesu. Aua tou te tineia le Agaga”

1. Ia ola fiafia i le Agaga o le Atua
2. Aua le saisaitia o tatou tagata i gaogaosa o le lalolagi.
3. Aua le popole pe atuatuvaile, a e lototele ma fa’atuatua.
4. Ia fa’afetaia le Atua i mea uma lava.

ASO SA

13 TESEMA 2020

Manatu Autū: **IA FA’AMAE’A A TATOU FEAU**
(Complete our task)

Tusi Faitau: 1 Tupu 20:1-12

Matua: 1 Tupu 20:11

“Ona tali atu lea o le tupu o Isaraelu, ua fa’apea atu, Ina fai atu ia ia te ia, Aua le mitamita lē ua fusi ia te ia i le ofu tau, e pei o lē na te tatalaina”

